



La fraglianza ha fatg vacanzas

Sis soras han passentà ad Andiastr lur vacanzas communablamain per tginar lur contacts.

3



Il museum da Vnà ha festivà il 40avel

1975 han tschintg iniziants da Vnà gi l'idea da rimnar vegls objects e d'exponer quels.

7

südostschweiz

LA QUOTIDIANA

Redacziun: Via Sommerau 32, 7007 Cuiria, tel. 081 255 57 10, redacziun@laquotidiana.ch

Sin fastitgs historics

■ (anr/ac) La gievgia vargada han la biblioteca da Trun e la Chasa Editura Rumantscha envidau alla presentaziun dalla nova ovra digl autur *Rico Tambornino*. Igl autur oriunds da Trun ha prelegiu ord siu cudisch che porta il tetel: «Il scutimen dallas olmas». In cudisch ordinaus en duas parts, ina sedediche-scha a fatgs historics succedi avon 170 onns a Trun. Fatgs da relevanza historica per il cantun Grischun tractai ella libertad e creativitat concedida ad in autur. Tambornino meina lecturas e lecturs anavos a Trun dils onns 50 dil tschentaner vargau ella casa da siu tat.

> PAGINA 5

Barometers digl ambient

■ (anr/ff) Igl apicultur *Bistgaun Cathomen* ha declarau co igl elevatur d'aviuls sa definir il secun- tener digl aviul e cheutras encon- nuscher la qualitat da viver en siu contuorn. La gievgia vargada ha ina gronda gruppa d'interessents tedlau attentamein las expectora- zions dil versau apicultur da Dar- din. Els han enderschiu tgei reac- zions ch'igl animalet fa paleis sche sia vischinonza ei contaminada ni sche ses conanimals el pievel ein attaccai da parasits. Cun fin sen- timent reageschan ils aviuls en ed ord lur chista sin influenzas me- teorologicas.

> PAGINA 4

Interess plitost modest

L'emprima aucziun da biestga a Cazas nun ha cuntanschi il nivel da l'onn passà

DAD ANDREAS CADONAU / ANR

■ Sulet la mesada da las ge- netschas preschentadas en l'aucziun da la sonda passada en l'arena a Cazas ha chattà in cumprader per in pretsch da blier sut la media da l'onn passà. Da mancanza d'interess n'ha l'aucziun da la sonda passada en l'arena da Cazas betg pati. Al- main betg davart dal dumber da visitadras e visitaders. La gron- da part dal publicum è dentant vegnida per assister a l'aucziun e betg per cumprar. Els han vuli endriescher co la dumonda per biestga sa preschentia actual- main. *Christian Parli*, il maina- fatschenta da la Grischun Bie- stga SA, ha menziunà che l'em- prima aucziun valia in pau sco mussavia per ils pretschs da biestga da l'atun. E quel mussa- via na sa drizza actualmein betg en la direcziun giavischada. Da las 48 genetschas preschentadas en l'ingiant han sulet 27 cun- tanschi il pretsch definì dal pos-



Blier interess public e main interess da cumprar a l'emprim ingiant da biestga a Cazas.

FOTO A. CADONAU

sessur ed èn vegnidas vendidas. Singulas pli tard anc en stalla. La media dals pretschs sa chatta tar 3000 francs. Trais animals

da fitg buna qualitat han sur- passà la summa da vendita da 5000 francs. Per *Christian Parli* n'è la situaziun da la fiera da bie-

stga nagina surpraisa en vista a la mancanza da pavel en Svizra pervia da la setgira da la stad passada.

Buna vista per la piazza

La piazza da golf a Sagogn ha contonschiu e festivau il 10avel onn d'existenza

■ (anr/ac) Enteifer ils diesch onns vargai ha la societad ac- zionaria purtadra dalla piazza da golf da Sagogn giu da sur- muntar enqual obstachel. Il 10avel onn d'existenza ha il club da golf festivau la sonda vargada cun bunas premissas futuras. Il vendergis vargau ha il president dil cussegl d'administraziun dal- la societad acziunaria e president dil Club da golf buna vista, *Leo Cathomas*, dau plaid e fatg davart las festivitads da giubileum ed igl avegnir dalla piazza da golf. El ei vegnius sustenus dil manager

dalla piazza, *Claudio Plaz*. Ina dallas finamiras dils promoturs dil golf ella Foppa ei la tgira dad ina buna atmosfera enteifer il club da golf per vinavon puder augmentar il commembradi. La basa existenziala per la piazza da golf. Cun 460 commembers ei il club sin buna via da surpassar il diember garegiu da varga 500 commembers. Proximamein se- fatschenta la societad acziunaria, che porta il menaschi, cun la cumpra dalla casa dil club.

> PAGINA 3

75 onns engaschi pil territori alpin

■ (anr/ld) L'jamna vargada ha la SAB, la Gruppa svizra per las re- giuns da muntogna, commemo- rau a Berna en in act festiv e cun ina expositiun silla piazza federa- la siu 75avel onn d'existenza. La SAB vegn purtada e finanziada dils cantuns, da vischnauncas e da singulas personas. Sia finamira ei da defender sin palancau politic ils dretgs ed ils interess dalla po- pulaziun da muntogna. Quei combat ei necessaris en vesta alla depopulaziun ed en in temps nua ch'economists lessen surschar il territori alpin per gronda part a lur destin e schizun privar las re- giuns alpinas dils tscheins d'aua.

> PAGINA 8

Servetsch d'abunents e da distribuziun: tel. 0844 226 226 mail: abo@somedia.ch



Referat dal Naturama a Zernez

■ (anr/bcs) *Werner Bätzing*, ün perscrutader da las Alps fich cun- tschaint, ha referi al Naturama da- vart scenaris pel futur dal spazi da las Alps. Il titel dal referat d'eira «Che avegnir han las regiuns alpi- nas?» Il referat as basaiva stils mü- damaints dal passà da las regiuns periferas ed ha tscherchè respostas per ün futur perdüravel.

> PAGINA 7

DA GION NUTEGN STGIER / ANR

■ La populaziun da Cuiria, il parlament grischun, sia fami- glia e bliers auters giasts han festivà *Tina Gartmann-Albin*, la nova presidenta dal cussegl grond. Dapi ch'ella è stada il 2016 la pli «auta» da Cuiria è uss ella er la pli auta dal Grischun. A l'en- tschatta da la sessiun da l'emna passada dal cussegl grond, l'em- prima giada en nova cumposi- ziun, han deputadas e deputads elegi *Tina Gartmann-Albin* (ps) sco nova presidenta dal cussegl grond. Sia elecziun onuravla è vegnida festivada sonda e quai amez Cuiria en ina tenda. Per Cui- ra saja quai in di istoric, ha ditg *Urs Marti*, il president da la citad. Dapi che Cuiria haja introduci il 1965 il nov parlament saja *Tina Gartmann-Albin* l'emprima pre-

«Quai è in di istoric»



Urs Marti, il presi- dent da la citad da Cuiria, cun Tina Gartmann-Albin, la nova preside- nta dal cussegl grond. FOTO G. N. STGIER

sidenta dal cussegl grond che saja er stada presidenta dal parlament da la citad e quai il 2016. Dal 1965 fin oz haja Cuiria gi tschintg

deputads che sajan stads presi- dents dal cussegl grond ed ussa cun *Tina Gartmann-Albin* er gia la 4. dunna che presidescha il

parlament chantunal, ha menziun- nà *Urs Marti* en ses pled.

> PAGINA 6

RECLAMA

Renault FAMILY DAYS
6.–15. September



RENAULT
Passion for life



Profitieren Sie von attraktiven Angeboten.
Mehr Infos auf reault-familyDays.ch